



MEMORIA

FUNDACIÓN VIGO EN DEPORTE

2010



Edita: Fundación Vigo en Deporte (VIDE).

Fotografía: Miguel Núñez, e Archivo VIDE.

Diseño: Eugenio Sánchez Sánchez.

Maquetación: Miriam Outeiral Costas e Jaime Rodríguez Carnero.

Impresión: Gráficas de Vigo S.L.U.

Xabier Alonso Pérez
Presidente da Fundación Vigo en Deporte



Un sumando

Creo firmemente nos valores do deporte aplicados a calquera campo da vida. O deporte é solidariedade, esforzo, traballo... E forma. Non hai discusión. Creo na súa importancia e por iso observo como fundamental preservar o tecido deportivo local. E VIDE é parte del.

Vigo, cidade con enorme inquietude polo deporte pero que non vive de costas á crise que leva anos golpeándonos, ten un valor engadido na figura da Fundación VIDE. Vigo en Deporte e en especial o seu Programa Siareiros son un complemento á acción do Concello en xeral e da Concellería de Deportes en particular. Quizais a fundación non poida estar á altura dun orzamento municipal para Deportes, pero tampouco o pretende porque a súa función é complementaria. Creouse cun espírito de apoio e funciona. Onde o Concello non pode chegar aí está Vigo en Deporte, e onde VIDE non chega economicamente utiliza a imaxinación, os recursos humanos e, sobre todo, o pleno convencemento de que é un factor básico.

VIDE é un sumando. E máis en tempo de crise.



Laura Magdalena Martínez
Directora Xerente Fundación VIDE

O noso reto

Os números cadran. Esa pode ser a primeira mensaxe en termos económicos sobre a realidade da Fundación Vigo en Deporte. En tempos de crise, e a actual aféctanos dende finais de 2007, manexarse no sector privado e o público para seguir ofrecendo, polo menos, as mesmas axudas doutros anos, as mesmas esperanzas a clubs e deportistas, o mesmo traballo, non só costa, senón que se converteu nunha batalla diaria e titánica. Pero o logramos.

Patróns de fidelidade admirable, empresas comprometidas e convencemento de que esta idea, pioneira, é o camiño idóneo, situáronnos nunha posición óptima, sempre lembrando que vivimos aínda en plena recesión económica, que afectou ao mundo do deporte de forma directa e sen miramentos.

Con máis de 200.000 euros inxectados a clubs e deportistas en 2010, coa continuidade dos programas de base estrela (Campus polideportivo e Vigo Cup) mantendo os niveis esixidos de calidade, con VIDE empeñada en colaborar en todo o que se lle pida, a Fundación fixo unha pirueta máis e aceptou o reto lanzado polos propios siareiros e siareiras no foro organizado en setembro pasado.

A Fundación Vigo en Deporte, en continua aprendizaxe, tamén se virou máis cara á afección, cara a esa masa social que ten moito que dicir no apoio das entidades deportivas, e buscou fórmulas máis modernas (facebook) e directas (flyers, dípticos) para tela máis e mellor informada en cada partido, para achegala máis aos clubs que, á fin e ao cabo, son VIDE. Talvez parezan pequenos pasos, pero así é como se fai, seguro, calquera camiño.

Composición do Padroado



CONCELLO DE VIGO



Colaboradores



FARO DE VIGO





FUNDACIÓN VIGO EN DEPORTE

A Fundación Vigo en Deporte, con domicilio social no Concello de Vigo, naceu o 19 de novembro de 2001 coa firma do acta fundacional por parte do alcalde da cidade naquela data, D. Lois Pérez Castrillo; o director xeral de Caixanova, D. Julio Fernández Gayoso; o director do centro de Vigo de PSA Peugeot Citroën, D. Javier Riera Nieves; e o presidente de Pescanova, D. Manuel Fernández de Sousa-Faro. O 7 de xuño de 2001, o pleno do Concello aprobara os estatutos. Nacía así unha fundación con padroado mixto.


O 17 de abril de 2002 a Fundación Vigo en Deporte púxose en marcha con local propio, no IMD das Travesas. Constituída sen ánimo de lucro, foi unha idea pioneira do concelleiro de Deportes daquel mandato, Santiago Domínguez Olveira.

Fins fundacionais

Un e moi claro: O fomento e promoción do deporte a través do apoio, difusión e axuda ás entidades deportivas da cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e ao resto da sociedade en xeral.

VIDE xera uns recursos que, doutro xeito, nunca chegarían aos clubs.

Destinatarios



- clubs de base
- deportistas individuais (bolsas)
- eventos

- clubs de elite
- deporte popular e recreativo

Liñas de actuación

Dando cumprimento aos fins fundacionais do artigo 6 dos Estatutos, materialízanse as accións xerais nas seguintes liñas de actuación:





Órganos de Gobierno

Padroado

É o máximo órgano de goberno da Fundación e está formado por dous membros de cada unha das catro entidades fundadoras:

Concello de Vigo: D. Xabier Alonso Pérez (presidente delegado e vicepresidente).

Caixanova: D. Guillermo Brea Vila e D. Jorge Santos López.

Pescanova: D. Manuel Fernández de Sousa-Faro e D. Isaac González Toribio.

PSA Peugeot Citroën: D. Pierre Ianni e Dña. María José Táboas Cabral.

Ademais, o Padroado conta cos seguintes cargos asesores:

Secretaria: D^a. María Concepción Campos Acuña.

Responsable de contas: D. Jorge Santos López.

Asesor técnico: D. José Ángel Otero Lamas.

Comité Ejecutivo

Este órgano está integrado por un representante de cada entidade fundadora e pola directora xerente da Fundación, Dña. Laura Magdalena Martínez.



<u>Programa Siareiros</u>	p. 14
<u>VIII Convocatoria de Axudas a deportistas</u>	p. 22
<u>X Campus Polideportivo Vigo 2010</u>	p.29
<u>X Torneo Internacional de Fútbol Base Vigo Cup</u>	p.32
<u>X Forum FISU</u>	p.40
<u>XI Campionato do Mundo Universitario de Taekwondo</u>	p.42
<u>Circuíto Cidade de Vigo - Carreiras Populares</u>	p.43
<u>Proxectos VOVIS 2010</u>	p.46
<u>Biblioteca Deportiva</u>	p.47
<u>“Aprende d@s que máis saben”</u>	p.48
<u>XI Gala do Deporte de Vigo e a súa comarca</u>	p.49
<u>Liga Vigo en Xogo</u>	p.50
<u>Programa de Comunicación</u>	p.51



PROGRAMA SIAREIROS



O programa Siareiros, denominado Club Siareiros cando se puxo en marcha o 7 de agosto de 2000, foi unha iniciativa das concellerías de Xuventude e Deporte, Caixanova e Faro de Vigo. 2.500 abonos e nove clubs de elite participaron na primeira experiencia a tempada 2000/2001. Esta iniciativa está completamente arraigada no deporte local e VIDE e os seus benefactores reparten as axudas en función da categoría deportiva, do uso de instalacións dos equipos de base ou da propia relevancia do deporte e do investimento orzamentario.

O programa naceu co obxectivo de apoiar ao deporte de elite e proporcionar asesoramento e axuda técnica ao deporte base. Logo, no 2002, incorporouse o apoio aos clubs de base. En 2010 foron 36 equipos (25 de base e 11 de elite) os integrados no programa.

Obxectivos

- A) Alentar o tecido deportivo e encamiñalo aos mellores valores do deporte (solidariedade, sentido de equipo, xogo limpo) como elemento transversal para unha sociedade mellor.
- B) Apoiar ao deporte vigués para que ocupe os lugares máis altos posibles en termos competitivos.
- C) Cubrir economicamente as necesidades de adestramentos dos equipos de base nas instalacións deportivas municipais.
- D) Atopar un interese común, un elemento unificador do deporte da cidade.

Carné Siareiros

O carné Siareiro é o elemento denominador común do deporte vigués e, á súa vez, converteuse no símbolo diferenciador respecto de calquera outra cidade.

Por medio dun programa informático de acceso dende a páxina web de VIDE (www.vide.es), os clubs introducen os datos dos seus socios. En 2010, entre novos carnés e renovacións entregáronse 5.905 tarxetas.

O carné Siareiro Elite apoia aos clubs das competicións estatais e unifica o bono para asistir a todos os partidos da tempada. O carné Siareiro Club é unha axuda directa aos clubs de base da cidade adscritos ao programa.

O carné Siareiro naceu no 2000. En outubro de 2002 VIDE deseñou a aparición da tarxeta Siareiro Base. Un ano máis se manteñen dous tipos de carnés, o Siareiro Club e o Siareiro Elite. Para evitar falsificacións, VIDE mercou novos cartóns de diferente cor aos da tempada anterior.

Carné Siareiro Club

Beneficios para os Clubs de base:

- Prezo de venda: 6 euros. Os clubs venden cada carné e conseguen o total do importe.
- Por cada carné vendido un club recibe 2 euros polos novos siareiros e siareiras e 1 euro polos carnés renovados. Esta axuda económica extra da Fundación supuxo en 2010 un investimento de 12.198 euros (tempada 10/11).
- O convenio con VIDE, anual, tamén permite que os clubs non teñan que pagar adestramentos ao IMD nas instalacións deportivas municipais, facéndose cargo da factura a Fundación. En 2010, o pago das instalacións por VIDE ao organismo autónomo foi de 30.793 euros.



En total, Vigo en Deporte investiu neste programa 42.991 euros.



Beneficios para os Siareiros:

- Polo feito de axudar a soste o deporte base, os afeccionados puideron participar en sorteos, promocións e descontos.
- Sorteouse unha cesta de Nadal doada polo Corte Inglés.
- Movisa doou un ciclomotor Piaggio Fly 4T sorteado entre tod@s @s siareir@s.
- Eroski Viaxes regalou unha viaxe dunha semana ao Caribe para dúas persoas. Con participación aberta por 1 euro cada boleto, os clubs beneficiábanse integramente da recadación.
- A tenda de deportes Tiempo Muerto premia aos/ás Siareir@s cun 10% de desconto nos seus produtos.

Abono Siareir@ Elite

Beneficios para os Clubs de elite:

Por unanimidade, os clubs aprobaron manter, un ano máis, os prezos conxelados. O prezo do carné non varía dende 2007 (tempada 2007/2008). Son os clubs os que recadan o importe íntegro dos carnés.

Carné	Prezo
Infantil	15 €
Xuvenil / Universitario / Xubilado	40 €
Adulto	95 €
Familiar (máximo 5 persoas)	150 €
Palco	300 €

Os clubs de elite participaron na repartición de 132.000 euros segundo o número de siareir@s conseguidos, a categoría do primeiro equipo da entidade e a relevancia da modalidade deportiva practicada.

Beneficios para @s Siareir@s:

- Asistir aos partidos dos clubs de elite da cidade durante toda a tempada deportiva polo mesmo prezo que pagaban antes para un so club..
 - Sorteouse unha cesta de Nadal doada por El Corte Inglés.
- Movisa doou un ciclomotor Piaggio Fly 4T sorteado entre todos os siareiros e siareiras Elite e Base co recibo ao día e feitos ata decembro de 2010.
- Eroski Viaxes regalou unha viaxe dunha semana ao Caribe para dúas persoas. Con participación aberta por 1 euro cada boleto, os clubs beneficiábanse integramente da recadación, que puideron facer dende outubro de 2010.
 - A tenda de deportes Tiempo Muerto premia aos siareir@s cun 10% de desconto nos seus produtos.
- Descontos especiais respecto ao público en xeral en eventos de alto nivel como a Supercopa de España de fútbol sala e a Copa Asobal de balonmán.

Clubs Siareiros Elite

Club	Equipo 09/10	Equipo 10/11
S.D. Octavio	Pilotes Posada	Academia Octavio
U.B. Lavadores	-	Las Cinco Jotas (*)
BM. Seis do Nadal Coia	-	Magope (*)
C.D. Amfiv	Aldasa Amfiv	Aldasa Amfiv
C.D. Bosco	Celta Indepo	Celta Indepo
Ciudad de Vigo Básquet	Kics	- (**)
C.V. Vigo	C.V. Vigo	Uorsa Vigo
Xuvenil de Teis	Turismo de Vigo	Turismo de Vigo
El Olivo	El Olivo Caixanova	El Olivo Novacaixagalicia
Coruxo FC	Coruxo FC	Construcciones Eiriña
Vigo Stick CH 2001	Toshiba Vigo Stick	Vigo Stick
Halcones de Vigo	Halcones	Halcones
Vigo Rugby Club	UVigo Ednon	Iveco Uvigo

(*) No programa Siareiros Club de xaneiro a xuño de 2010. Dende verán de 2010 no programa Siareiros Elite ao ascender o seu equipo masculino á competición estatal.

(**) Desapareceu.



Clubs Siareir@s Base

- C.D. A Paz 03
- Club Patín Vagalume
- Club Castrelos Patinaxe Artística
- Club Ciclista Vigués
- Carpa
- E.D. Vigo 2015
- Club de Loita San Ignacio
- Baloncesto Seis do Nadal-Coia
- Balonmán Seis do Nadal-Coia (tempada 09/10)
- Club Natación Rías Baixas-Galaico
- Traviesas H.C. (tempada 09/10)
- U.B. Lavadores (tempada 09/10)
- F.V.P.R. El Olivo
- Flic Flac
- Maniotas
- C.P. Alerta Traviesas
- Cios Vigo
- C.B. San José de la Guía
- Foto Gómez
- Vigo Squash
- Club Mosteiro Bembrive FS
- Club de Baloncesto Puerto de Vigo
- Club Bádminton Rachaplumas
- Club de Lucha Ciudad de Vigo
- Club Baloncesto Vigo Área Metropolitana
- Club Arenas La Base
- Xuvenil de Teles (tempada 09/10)
- Vigo Stick C.H. 2001 (tempadas 09/10 e 10/11)

Premios Siareir@s / Xornada Siareira

Por segundo ano consecutivo, a Fundación VIDE decidiu iniciar a tempada premiando a clubs, deportistas e seguidores do programa Siareiros. O acto tivo lugar no hotel Coia o 25 de setembro.

Nesta oportunidade os premios entregáronse como colofón á primeira Xornada Siareira, un novo foro de debate creado entre VIDE, clubs e siareiros que achegou enriquecedoras opinións para mellorar a relación clubs-socios e para que os siareiros coñecesen de primeira man o desacougo dos directivos dos clubs.

No foro, cuxas conclusións foron presentadas polo tenente de alcalde, Santiago Domínguez; Xabier Alonso, concelleiro de Deportes e presidente de VIDE, e Laura Magdalena, directora-xerente de VIDE, a opinión sobre o carné Siareiro foi unánime, amosando que non só conseguiu asentarse entre as entidades deportivas, senón que tamén é celebrado pola afección polo económico da proposta.

Participaron nesta Xornada Siareira, desenvolvida durante toda unha xornada, José Méndez, representante da Federación de Peñas do Real Club Celta, que explicou os pasos para crear unha peña de calquera deporte; o presidente da Federación Galega de Balonmán, José Luis Pérez Ouro; Victoriano Carneiro, en representación dos siareiros e siareiras; Cristina Fernández Piñeiro, ex árbitra internacional de balonmán; María del Mar Lago, presidenta do Baloncesto Seis do Nadal; Serafín Domínguez, administrador da firma Indepo, que patrocinou o foro; a xogadora internacional de baloncesto Vicky Alonso (Aldasa Amfiv), a ex xogadora céltica Pilar Valero e a directora xerente de VIDE, Laura Magdalena, xunto co concelleiro de Deportes, Xabier Alonso.



Os afeccionados reclamaron maior información e proximidade dos clubs cara aos seus socios. E instaron a VIDE e ás entidades deportivas a dar “a máxima difusión posible” ao carné para que o coñeza toda a cidade. Tamén confirmouse no debate, con moitas intervencións de presidentes e dirixentes dos clubs, que o momento económico non permite aos equipos pensar en grandes metas, senón en subsistir a nivel deportivo, e que o público concibe actualmente o deporte como unha actividade no seu tempo de lecer polo que esixe espectáculo. Para dalo é necesario calidade.

Xabier Alonso felicítouse por esta idea e incidiu en que Vigo debe sentirse “moi orgulloso” do tecido deportivo creado.

O tenente de alcalde lembrou que Siareiros cumpre xa dez anos “unha iniciativa que segue a ser pioneira en España”.

Neste acto que serviu de apertura do curso, VIDE entregou os seus premios correspondentes á tempada 2009/2010. Na segunda edición desta proposta resultaron galardoados Xisela Aranda, campioa de España de squash (premio ao esforzo); Martín Errecalde (mellor voluntario); e os clubs Loita Cidade de Vigo (mellor club base) e Sociedad Deportiva Octavio (mellor club elite). Aproveitando a iniciativa da xornada de debate, os premios incluiron tamén un novo apartado que se centra nos afeccionados, sendo elixidos Bernardo Pérez e Ángela Molins, como mellor siareiro e siareira.



Historial

Premio	2009	2010
Voluntario do ano	Antero García	Martín Errecalde
Mellor siareiro e siareira	-	Ángela Molins / Bernardo Pérez
Premio especial	Sechu López (ao coraxe)	Xisela Aranda (ao esforzo)
Club Siareiro Base	Baloncesto Seis do Nadal-Coia	Club de Loita Ciudad de Vigo
Club Siareiro Elite	C.D. Bosco	Sociedad Deportiva Octavio

VIII CONVOCATORIA DE AXUDAS A DEPORTISTAS



En abril de 2002, o primeiro presidente de VIDE, Lois Pérez Castrillo, alcalde da cidade no mandato 1999-2003, decidiu ampliar o campo de acción da Fundación e VIDE creou as bolsas para deportistas individuais. A primeira convocatoria, sen límite de idade, tivo lugar en setembro de 2002, estaba dotada con 12.000 euros e premiaría a nove deportistas da cidade.

Na tempada seguinte, as bolsas tomarían o formato actual, dividíndose en base (750 euros) e elite (1.500). En 2008, con Xabier Alonso como presidente e Laura Magdalena como directora-xerente, a Fundación VIDE decidiu incrementar a contía das axudas un 33,3%; así, as de base pasaron a ser de 1.000 euros e as de elite, de 2.000.

Obxecto

Estas bolsas naceron para complementar a acción da Concellería de Deportes, que non ten partida orzamentaria para deportistas individuais. Chegan a aquelas ou aqueles deportistas con proxección inmediata ou futura que presentan uns resultados moi bos.

Finalidade

Apoiar a progresión dos deportistas e regular as axudas dirixidas a deportistas homes e mulleres que desenvolven a súa actividade na cidade, pertencendo a un club ou entidade deportiva.



Beneficiarios

De forma non acumulativa os/as deportistas puideron optar ás seguintes axudas sobre os seus resultados de 2009:

- Elite: deportistas que participen en competicións de ámbito nacional e internacional con 16 anos ou máis.
- Base: deportistas que participen en competicións de ámbito nacional e internacional, menores de 16 anos.

Contía

Cada unha das axudas concedidas contou cunha dotación de:

Base: 1.000 €

Elite: 2.000 €

Prazo e lugar de presentación

O prazo de presentación das solicitudes foi dende o 1 ao 28 de febreiro do 2010. Un total de 104 peticións (50 de base e 54 de elite) foron entregadas na sede da Fundación Vigo en Deporte (r/Cesáreo González) nese período de tempo.



Xabier Alonso e Sandra Mosquera.

Procedemento

A Comisión de Valoración estivo integrada polos membros do Comité Executivo e a secretaria e o asesor técnico do Padroado de VIDE.

- O presidente da Fundación Vigo en Deporte.
- Un representante da entidade Caixanova (agora Novacaixagalicia).
- Un representante da entidade PSA Peugeot Citroën.
- Un representante da entidade Pescanova.
- Asesor Técnico.
- Xerente da Fundación.
- Secretaria.

Obrigas dos beneficiarios

- Destinar a axuda para os fins para os que foi concedida.
- Prestar a súa colaboración e imaxe cando así se solicite por parte da Fundación Vigo en Deporte para calquera acto de promoción das actividades de VIDE.
- Facer unha axeitada publicidade da Fundación VIDE durante as competicións ou manifestacións deportivas.

Bolseir@ 2010 Base	Deporte	Club
Lara Lagoa	Windsurf	Náutico Cangas
Paula Patiño	Hípica	Hípico El Alazán
Begoña Álvarez	Judo	Vieirasa Famu
Ángel Suárez	Motocrós	Escudería Moto Pasión
Carla Guldrís	Patinaxe artística	C.P.A. Valladares
Uxía González	Piragüismo	Piragüismo Val Miñor Frioya
Iván España	Natación con aletas	Baixo Miño
Valentina Durán	Ximnasia acrobática	Flic Flac

Bolseir@ 2010 Elite	Deporte	Club
Andrea Rica	Taekwondo	Gimnasio Tao
Isaac Vicente	Atletismo	Real Club Celta
Xisela Aranda	Squash	Vigo Squash
Sechu López	Montañismo	Montañeiros Celtas
Iván Pozo	Boxeo	Polideportivo Saudade
Beatriz Lence	Vela	Marítimo de Canido
Fernando Rascado	Taekwondo	Gimnasio Tao
Sandra Mosquera	Atletismo	Comesaña S.C.
Nicolás Rodríguez	Vela	R.C. Náutico de Vigo
Sebastián Rodríguez	Natación	C.N. Galaico Sercoysa
Miguel Romero	Judo	Vieirasa Famu



Gala de entrega de axudas

O 9 de abril tivo lugar no Centro Social Caixanova a celebración da Gala. Na mesa presidencial estiveron D. Santiago Domínguez, tenente de alcalde de Vigo; D. Xabier Alonso, presidente da Fundación e concelleiro de Deportes do Concello de Vigo; D. Jorge Santos, director de Infancia, Xuventude e Deportes de Caixanova e D. Pierre Ianni, director do centro de Vigo de PSA Peugeot Citroën, e D^a María José Táboas Cabral, tamén representante no padroado de VIDE por PSA Peugeot Citroën. No decurso da cerimonia desvelouse o nome d@s premiad@s e fíxose a entrega da axuda da man das empresas colaboradoras.

O Gimnasio Escuela Tao, que uns días despois festexaba o seu 25 aniversario, marabillou cunha exhibición de taekwondo de técnica. O Tao é campión de España de técnica e oficioso do mundo.



No total, catorce modalidades deportivas premiadas e oito deportistas que por vez primeira recibiron una axuda de VIDE. Dezanove deportistas gañadores da axuda (dez mulleres e nove homes). Por vez primeira tamén, máis mulleres que homes grazas ao acordo tomado polo padroado de favorecer a discriminación positiva.

Base. Nos bolseiros de base so repetiu Lara Lagoa, campioa de España infantil con 15 anos, campioa da Copa de España Techno sub 17 e única viguesa clasificada para os I Xogos Olímpicos da Xuventude, en Singapur. 9ª no Campionato de Europa.

Houbo oito deportes premiados e sete bolseiros novos sobre as anteriores convocatorias.

Elite. Repetiron catro bolseiros sobre 2009 (Sechu López, Xisela Aranda, Isaac Vicente e Andrea Rica). Oito foron os deportes premiados e dos gañadores da contía económica saíu un so bolseiro novo, Nicolás Rodríguez.

Con esta bolsa, Andrea Rica é a quinta vez seguida que é bolseira VIDE. É a muller que suma máis cartos: 9.000 euros.

As bolsas, en cifras (periodo 2003-2010)

Axudas: 154

91 bolseiros beneficiados

54 homes

37 mulleres

202.700 euros investidos.



O montañeiro Sechu López e Pierre Ianni.



X CAMPUS POLIDEPORTIVO VIGO 2010

Antecedentes

A aparición de moitos campus ou clinics nos anos 90 de forma espallada e sen control decidiu á Concellería de Deportes e ao IMD que ese tipo de actividade debería regularse. O Concello tentou buscar unha fórmula de promocionar a actividade deportiva dos nenos e nenas durante o verán pero dunha forma máis controlada e puxo en marcha no ano 2000 o Campus Polideportivo para rapaces e rapazas de 8 a 14 anos. VIDE creouse no 2002 e a Concellería de Deportes encargoulle a organización do evento xunto co IMD. VIDE asumiu a organización loxística e cubriu os custes.

Nunha década, 2.000 rapaces e rapazas puideron achegarse á práctica dos deportes, dende a iniciación ata o perfeccionamento da man de varias entidades deportivas de primeiro nivel da cidade.

En 2010 a coordinación do evento estivo a cargo de Ana Álvarez, unha das adestradoras das categorías inferiores do C.D. Bosco, que relevou a Domingo Salinas, á fronte do campus dende o seu primeiro ano de vida.

En 2010, no campus participaron:

- C.D. Bosco (baloncesto feminino)
- Club Vigo Voleibol (voleibol masculino)
- S.D. Octavio (balonmán)
- Traviesas Hóckey Club (hóckey a patíns)
- Xuvenil de Teis (voleibol feminino)
- Coruxo FC (fútbol sala)
- Halcones de Vigo (béisbol)
- Gimnasio Tao (taekwondo)

Ao longo destes anos tamén participaron:

- Club San Xoán (fútbol sala)
- Vigo Rugby Club (rugby)
- C.D. Amfiv (baloncesto en cadeira de rodas)
- Club Vigo (fútbol sala)
- Baloncesto Seis do Nadal-Coia (baloncesto)
- Club Esgrima El Olivo (esgrima)
- Agrupación Deportiva Vincios (tenis de mesa)



Obxectivos

Proporcionar aos rapaces e rapazas unha amena formación polideportiva e fomentar os valores de convivencia, xogo limpo e solidariedade que ofrece a práctica do deporte.

Ademais, VIDE detectou unha fidelidade das familias co campus: quen ven un ano repite ao seguinte. Tamén beneficianse directamente os clubs e o IMD, xa que captan novos rapaces e rapazas para os seus deportes nas escolas deportivas municipais que van de outubro a maio. O prezo, de 65 euros por inscrición, mantense conxelado dende 2007.



Destinatarios

Puidéronse beneficiar deste programa todos aqueles rapaces e rapazas con idades comprendidas entre os 8 e 14 anos.

As actividades realizáronse no Complexo Deportivo das Travesas, en xornada continua de 10 a 18 horas, de luns a venres incluíndo un refrixerio a media mañá e un servizo de catering para o xantar. As datas escollidas foron do 5 ao 9 de xullo de 2010. A inscrición abriuse e pechouse en xuño, contando con 200 prazas. Foi o terceiro cheo absoluto consecutivo.

Actividades

Balonmán, baloncesto, voleibol, fútbol sala, hóckey a patíns e dous deportes invitados, o béisbol e o taekwondo nesta oportunidade, foron as actividades deportivas desenroladas polos monitores profesionais e apoiadas polos Vovis (voluntarios da Fundación VIDE). A modalidade invitada practicábase polo serán.

A proposta do campus é polideportiva porque dende a Fundación Vigo en Deporte e os clubs enténdese que o máis saudable e formativo é que nenos e nenas coñezan e practiquen o maior número de modalidades deportivas ao longo dos cinco días do campus.

Asemade, as xornadas combináronse con actividades complementarias como tempo de lecer na piscina e unha excursión ás Illas Cíes. Todos os rapaces e rapazas recibiron un diploma acreditativo da súa participación no campus na xornada do seu peche. Tamén houbo sorteo de agasallos na xornada final.



X TORNEO INTERNACIONAL DE FÚTBOL BASE VIGO CUP

Dez edicións sen parar

A Fundación VIDE fíxose cargo da Vigo Cup en 2002, xusto o ano en que VIDE tivo sede física nas Travesas. O campionato, que inaugurou o campo de Bouzas en 2001 (despois chamado Baltasar Pujales), xogou as súas finais de fútbol 7 sempre no IMD de Samil, mentres que as de fútbol 11 xogáronse no Vao (2004, 2006 e 2007) e no estadio de Balaídos, inaugurado o 30 de decembro de 1928 e que viviu o Mundial de 1982.

O torneo internacional de fútbol base (28 de xuño ao 4 de xullo) ten engadidos os premios VIDE, unha idea exclusiva para o fútbol local e de carácter anual que reconece a clubs, dirixentes e xogadores e que un comité aproba despois de estudar as propostas. Os premios VIDE marcan a apertura do torneo. No 2010, a súa entrega serviu como acto inaugural da competición no IMD de Samil.

O evento é o máis importante da cidade en termos de participantes. Ningún outro move o que a Vigo Cup. Son uns 3.000 participantes (deles 300 son membros dos cadros técnicos) entre nenos e nenas de 6 a 16 anos. En total oito categorías, seis para fútbol 7 e dous para fútbol 11. Houbo equipos de Galicia, Portugal, Estremadura, Madrid, Castela e León e Canarias. Por segunda oportunidade aplicouse unha normativa de xogo limpo na suma da actuación do equipo (cadro técnico, delegados e delegadas e xogadores e xogadoras) e dos seus afeccionados, que ademais foi necesaria para desfacer un empate entre o Coruxo B e o E.F. Pontearreas na primeira fase dos sub 16.

Seguindo co apoio de VIDE á igualdade, a competición sub 14 masculina admitiu a xogadoras, porque houbo dúas peticións de equipos; nas ligas da Federación Galega de Fútbol a competición é mixta.



Evolución da Vigo Cup

Edición	Ano	Equipos
I	2001	112
II	2002	148
III	2003	190
IV	2004	194
V	2005	164
VI	2006	151
VII	2007	149
VIII	2008	166
IX	2009	194
X	2010	191



Datas

Comezou o luns 28 de xuño e rematou o domingo 4 de xullo de 2010.

Categorías

Fútbol 7

Sub 7: mixta, nacid@s despois do 01/01/2003
Sub 8: mixta, nacid@s despois do 01/01/2002
Sub 10: mixta, nacid@s despois do 01/01/2000
Sub 12: mixta, nacid@as despois do 01/01/1998
Sub 16 F: feminina, nacidas despois do 01/01/1994
Damas: aberta

Fútbol 11

Sub 14: masculina, nacidos despois do 01/01/1996
Sub 16: masculina, nacidos despois do 01/01/1994



Instalacións

O torneo xogouse nos campos do IMD Samil, Monte da Mina, Baltasar Pujales, San Andrés de Comesaña, A Bouza (Coia), San Miguel, A Guía e O Vao.

Por terceiro ano consecutivo as finais foron no Estadio de Balaídos. A organización desestimou disputar superfinais cos campións da Compostela Cup polo traslado de todas as finais ao domingo.

De feito, a novidade desta edición foi a decisión do comité organizador de levar todas as categorías con final a Balaídos (a sub 16 feminina é por liguiña). A proposta foi apoiada pola Fundación Celta de Vigo. Polo tanto, na xornada final houbo sete intensas finais e chegaron a disputarse ata tres á vez (sub 7, sub 8 e sub 10), sendo un espectáculo para a afección e conseguindo encher as bancadas de Tribuna e Preferencia.

Matrículas:

Sub 6 e Sub 8: 30 € por equipo (dende 2007).

Resto de categorías:

Matrícula ordinaria: 90 € por equipo (dende 2008).

Matrícula Bonificada: 60 € por equipo solicitando a inscrición antes do 1 de maio de 2010 (dende 2008).

Os campións da edición anterior xogan de balde.



Sistema de competición

O Torneo Internacional de Fútbol Base Vigo Cup rexeuse segundo as normas da FIFA e da Federación Española de Fútbol.

Os participantes dividíronse en grupos de 4 ou 5 equipos, dependendo da inscrición. Nunha primeira fase enfrontáronse nunha liga a unha soa volta. Na segunda fase o 1º e 2º de cada grupo clasificáronse para a Fase Final, o 3º e 4º de cada grupo xogaron a serie de consolación. Esta segunda fase desenvolveuse polo sistema de eliminación directa.

Transporte

Durante a competición todos os xogadores e equipo técnico puideron utilizar durante todo o día o transporte público gratuitamente (Vitrassa) mostrando a súa acreditación do torneo. Ademais todos os campos contan cunha liña de autobús próxima.

Actividades paralelas

Vigo é unha cidade diversa, chea de posibilidades. A organización quere que a Vigo Cup sexa un torneo tamén para a convivencia e para o coñecemento da cidade polo que houbo diversas actividades para os equipos:

- Visita ás Illas Cíes
- VigoZoo
- Base Náutica O Vao
- Bowling Samil
- Visitas a Museos

Torneo de penaltis

Por terceiro ano houbo un torneo de penaltis paralelo. Cada equipo podía presentar un máximo de catro xogadores incluído o porteiro e realizáronse eliminatorias sucesivas que se concentraron en varios días.

Principais patrocinadores

Foi definitiva para o bo éxito do torneo a colaboración de Caixanova (Novacaixagalicia dende o 1 de decembro), Concellería de Turismo, Concellería de Deportes do Concello de Vigo, Coca-Cola, Umbro, Faro de Vigo, Vitrasa, Frutas Nieves, Fundación Celta de Vigo, Colexio de Árbitros de Vigo, Instituto Municipal dos Deportes e Federación Galega de Fútbol.

Oficina central

A oficina central situouse un ano máis no IMD de Samil e foi o punto de información e de encontro dos equipos para a entrega de documentación, programas, resultados, acreditacións, mapas das instalacións e para as reclamacións, que apenas houbo.

Premios VIDE

O Comité organizador da novena edición de Vigo Cup, composto por Belarmino Alonso, Guillermo Troncoso, Ignacio Cabaleiro, José Manuel Prado, Laura Magdalena e Alberto Ovenza, reunido no mes de maio, decidiu conceder no acto de inauguración da Vigo Cup 2010, celebrado o 28 de xuño no IMD de Samil, os seguintes tres Premios VIDE:

- Premio VIDE 2010 ao mellor club para o [Cristo de la Victoria](#).
- Premio VIDE 2010 como mellor directivo, a [Antonio Collazo \(C.D. Teis\)](#).
- Premio VIDE 2010 como Mellor sub 21 a [Diego Pereira](#).

Decidiuse na mesma reunión de maio que o club premiado tería ademais o valor engadido de poder inscribir de balde tres equipos na Vigo Cup.

Relación de premiados dende 2003:



VIGO CUP	Premiado	Motivo
III / 2003	Javier Portillo (R.Madrid) Jonathan Pereira (Santa Mariña) Borja Alonso	Mellor sub 21 nacional Mellor promesa de Vigo Mellor árbitro de Vigo
IV / 2004	Borja Oubiña (R.C. Celta) Alberto Campillo (R.C. Celta) Emilio Costas Armando Cajaraville (Casablanca)	Mellor sub 21 nacional Mellor promesa de Vigo Mellor árbitro de Vigo Mellor dirixente de base
V / 2005	Michel Salgado Real Club Celta Rápido de Bouzas Coruxo El Olivo	Premio honorífico Á traxectoria 04/05 Á traxectoria 04/05 Á traxectoria 04/05 Á traxectoria 04/05
VI / 2006	Jorge Otero David Pérez Alleres Club Deportivo Areosa	Premio honorífico Premio honorífico Premio ao traballo de base
VIII / 2008	Manuel Conde (Casa Paco) Asociación de Fútbol Aficionado (Afavi) Iago Falqué (FC Barcelona)	Á traxectoria na base Mellor iniciativa dunha entidade Mellor proxección
IX / 2009	Jonathan Pereira (Racing Santander) Don Raimundo (Colegio Hogar) Club Polideportivo Alerta Traviesas	Mellor sub 21 nacional Mellor dirixente Mellor club
X / 2010	Diego Mariño (Villarreal B) Antonio Collazo (C.D. Teis) Cristo de la Victoria	Mellor sub 21 nacional Mellor dirixente Mellor club

Campións e campioas 2010

A entrega de medallas e trofeos fíxose no estadio de Balaídos. Todos os participantes das categorías sub 6 e sub 8 recibiron medalla, segundo a máxima de “o importante é participar”. Os campións e subcampións do resto das categorías tamén recibiron as súas correspondentes medallas e os campións unha equipación deportiva de regalo.

Ao acto de clausura asistiron Santiago Domínguez, tenente de alcalde de Vigo, e Xabier Alonso Pérez, concelleiro de Deportes; Carmela Cuevas, directora da Fundación Celta de Vigo; Jorge Santos, director de Infancia, Xuventude e Deportes de Caixanova, e Laura Magdalena, xerente de VIDE. Unha banda de siareiros do C.D. Uruguay amenizou o acto cun paseíño musical con bombos e trompetas.

O Areosa, con tres títulos, igualou a mellor marca da historia do torneo, os tres campionatos do Santa Mariña no ano 2005 (Baby 1, Baby 2 e sub 16). El Olivo confirmou o seu dominio en damas, co seu pentacampionato: gañan sempre dende 2005.

O cadro de honra foi o seguinte:

Categoría	Campión	Subcampión
Sub 7	Cristo de la Victoria	Amor de Dios
Sub 8	Coruxo	Cristo de la Victoria
Sub 10	Colegio Hogar	Cristo de la Victoria
Sub 12	Areosa	R.C. Celta
Sub 14	Areosa	Fernando Pires (Portugal)
Sub 16	Areosa	Pacense
Sub 16 fem.	El Olivo Caixanova	- Liguíña -
Damas	El Olivo Caixanova	Erizana



10º FÓRUM FISU



A Fundación VIDE, que en 2009 xa tivo o encargo do Concello de apoiar organizativamente o Campionato do Mundo de hóckey a patíns, asumiu dende xuño do mesmo ano outra actividade internacional, rematada no verán de 2010. VIDE encargouse de canalizar gran parte da organización do Fórum FISU Vigo 2010, do 21 ao 26 de xuño, co apoio de Tenencia de Alcaldía e a Concellería de Deportes, patrocinadores xunto a Caixanova, a Universidade de Vigo o CSD e a Secretaría Xeral para o Deporte.

Todo o persoal de VIDE estivo dedicado a coordinar coas áreas municipais e a propia Federación Internacional do Deporte Universitario desde o programa das conferencias e debates, ás actividades externas e todo o traballo interno que un evento deste calibre leva.

O Fórum é unha reunión bianual que a FISU organiza a nivel mundial para poder debater temas de interese para os sectores inmersos no deporte universitario. As súas conclusións non son vinculantes pero adoitan establecer pautas de futuro. Estas reunións multitudinarias son un elemento básico no organigrama da FISU, xunto coas competicións de carácter mundial que a FISU organiza, tanto Campionatos do Mundo (cada dous anos) como Universiadas (cada catro).

No mes de maio, unha delegación viguesa acudiu a Shenzhen, na China, para presentar un informe sobre a marcha organizativa do foro. A expedición á sede dos Xogos Mundiais de verán de 2011 estivo composta polo concelleiro de Deportes, Xabier Alonso, como representante do comité organizador, xunto con dous membros do comité executivo da organización do Fórum: Laura Magdalena, directora xerente da Fundación Vigo en Deporte, e Miguel Ángel Nombela, director da área de Deportes e Estudantes da Universidade de Vigo.



Baixo o paraugas xeral da denominación “Deporte universitario, unha plataforma para o cambio”, 280 delegados e estudantes dos sistemas universitarios de 71 países debateron sobre catro puntos moi específicos: “Desenvolvemento de plans estratéxicos do deporte universitario a nivel nacional”; “Educación e concienciación ambiental a través do deporte universitario”; “Liderado da muller no deporte universitario”; e “O deporte universitario e o seu recoñecemento académico”.

Durante seis días, o Centro Social Caixanova converteuse na capital mundial do deporte universitario, e ademais batendo marcas. Aínda non empezara o congreso e o día anterior o evento xa era un referente para a Federación Internacional de Deporte Universitario: o X Fórum FISU superou en dezasete países a mellor marca de dezaioito anos de debates (Abu Dhabi 2006, 54) dende a súa primeira edición en Paralimni 1992. Ademais, respecto dos organizados en Europa a diferenza foi brutal: 24 países máis que en Cracovia 2008 (47).

Membros da FISU apresuráronse a declarar ao comité organizador local que a inscrición era “un gran éxito” (FISU dixit). As xornadas confirmaron que o traballo burocrático de VIDE, con múltiples xestións para axilizar visados, máxima información aos posibles visitantes e o enorme esforzo loxístico tivo premio. Vigo vendeu a súa mellor imaxe, con visita ás Illas Cíes e unha xornada de confraternidade na Universidade de Vigo (campus das Lagoas-Marcosende), a persoas vindas dos cinco continentes.

Co devandito crisol de culturas e linguas, a organización tivo que coidar o contacto directo cos participantes. Alumnos e alumnas de Tradución da Uvigo encargáronse deste aspecto dende o voluntariado do evento, manexándose en inglés, francés, alemán, portugués e italiano, ademais de en galego e castelán.

O Fórum significou tamén que a FISU trasladou de xeito real aínda que oficioso o seu cuartel xeral de Bruxelas a Vigo, porque o seu presidente, George E. Killian, despachou en Vigo con numerosas delegacións de eventos futuros (Universiada de inverno de Erzurum 2011; Universiada de verán de Shenzhen 2011, Fórum FISU de Taipei en 2012, Universiada de verán de Kazán 2013...).



XI CAMPIONATO DO MUNDO UNIVERSITARIO DE TAEKWONDO

O reto para a Fundación VIDE e o Concello de Vigo foi dobre porque tres días despois de concluír o Fórum FISU As Travesas recibiu do 29 de xuño ao 4 de xullo a décimo primeira edición dos Campionatos do Mundo universitarios de taekwondo. E por vez primeira incluían unha xornada para a modalidade de pumse (técnica), ademais dos cinco días previstos para a disputa dos pesos en modalidade combate (kyorugi).

De novo Vigo, con apoio loxístico de VIDE, superou marcas: 276 taekwondistas participantes (e 115 adestradores e delegados), un 8,7% máis de competidores que no Mundial de Belgrado 2008. Total, 391 participantes (máis que ningún outro ano) de 39 países.

Corea do Sur, a favorita, foi a gran vencedora do certame ao sumar 18 medallas, nove de ouro, cinco de prata e catro de bronce. España asinou once metais, con dous bronce galegos para o vigués Fernando Rascado (-80 quilos), da Universidade de Vigo, e a coruñesa Fani Hernández (-62). O próximo destino do Mundial universitario de taekwondo será a cidade coreana de Poncheon en 2012.

Precisamente a seguinte sede promocionouse con papelería, espectáculos na pista e material do seu país.

A totalidade do evento foi ofrecido en directo vía internet dende a web oficial do campionato e tamén dende o portal da Federación Española de Taekwondo, co que garantiuse o seguimento mundial de balde.



Premiados da edición 2009, na gala do 2010.

CIRCUÍTO CIDADE DE VIGO – CARREIRAS POPULARES

Por segundo ano consecutivo celebrouse o Circuito Cidade de Vigo de carreiras populares. A proposta partiu no 2008 da Fundación VIDE, e a Concellería de Deportes puxo en marcha a liga entre marzo e decembro de 2009.

Na edición de 2010 houbo novidades. O circuito sumou as dúas medias maratóns da tempada, a XI Vig-Bay e o II Medio Maratón Cidade de Vigo. O Circuito 2010 comezou o 21 de marzo coa carreira 10 km. Cidade Universitaria, que discorre polo campus das Lagoas-Marcosende, e rematou o 19 de decembro coa tradicional Carreira do Pavo (Gran Premio Pedestre Internacional) na Alameda. En total, sete probas fronte ás cinco de 2009.

A decisión da Concellería de Deportes de dar entrada a estas probas vén dada pola enorme resposta dos atletas populares nelas, unha moi consolidada no calendario atlético estatal (a Vig-Bay) e outra que cubriu o oco deixado polos dous eventos atléticos que se facían en Vigo sobre esa distancia.


II Circuito Cidade de Vigo - Campións e Campioas 2010

Homes

Categoría	Nome	Equipos
Promesa-senior	Rubén Castro	Club Alejandro Gómez New Balance
Junior-xuvenil	Pablo Ulloa	Independente
M35	Rafael Fuentes	Gimnástica de Pontevedra
M50	Eloy Tapia	Real Club Celta Indepo
M60	Antolín Rodríguez	Veteranos de Samil

Mulleres

Categoría	Nome	Equipos
Promesa-senior	M ^a Soledad Castro	Comesaña Sporting Club
F35	M ^a Belén Lemat	Atletismo Vila de Cangas
F50	Carmen Costas	Club Alejandro Gómez New Balance





O 21 de decembro tivo lugar a entrega de premios do II Circuito Cidade de Vigo de carreiras populares no museo Verbum, o marco habitual desta gala do atletismo vigués. Nesta edición repartíronse en premios en metálico 7.900 euros, 1.100 euros máis que en 2009, coa novidade da inclusión dun trofeo para todos os campións de categoría.

Ademais, deseñouse unha camiseta técnica de recordo e diplomas para os atletas que participaron en cinco carreiras ou máis. A Concellería de Deportes incluíu tamén un recoñecemento especial ao esforzo para tres persoas, as atletas de categoría de máis de 50 anos Carmen Costas e Consuelo Lago, e para Akka Essaadaqui, atleta marroquí que vive en Salceda de Caselas.

A entrada da empresa championchip na loxística do circuito permitiu que todos os e as atletas tiveran o seu chip de control de tempo, unha medida moi valorada no mundo do atletismo. Esta vez, os participantes puideron inscribirse, ademais de na Fundación VIDE, por internet na web www.Championchipnorte.com.

No 2010, máis de 6.000 deportistas (6.128) participaron nas sete carreiras que figuran no circuito Cidade de Vigo, o que significa un incremento de 736 corredores sobre 2009, un 13,6% máis. Segundo datos que manexa a delegación viguesa da Federación Galega de Atletismo e os propios organizadores privados, as sete probas elevaron o número de participantes.



PROGRAMA VOVIS 2010



O VОВI (Voluntario VIDE) executa unha tarefa social decididamente impagable. Sen el, un evento carece de alma, porque a súa presenza desinteresada marca a diferenza. Ese é o voluntario, reclamado polos clubs para campionatos autonómicos, trofeos, carreiras ou, por exemplo, para a Copa do Mundo de hípica, a Vigo Cup ou calquera evento deportivo que haxa na cidade.

Neste ámbito de traballo a actuación dos nosos e nosas vovis centrouse principalmente nos seguintes eventos do 2010:

Supercopa de España de fútbol sala.
Partidos do programa Siareiros Elite
Día do Patín.
Premio Nacional del Deporte
XXVII Carreira Nocturna de San Xoán.
X Torneo de Fútbol Base Internacional Vigo Cup.
IV Carreira popular pedestre Vigo+11.
X Fórum FISU.

Copa do Mundo de hípica.
IX Gala de axudas a deportistas individuais
Día da Ximnasia Rítmica.
Galas 2009 e 2010 das carreiras populares.
XI Campus Polideportivo da Fundación VIDE.
XVI Trofeo Semana Santa de fútbol sala.
XLIX Carreira do Pavo.
XI Campionato do Mundo universitario de taekwondo.

Os eventos supuxeron ata 80 participacións de 34 voluntarios propios de VIDE ao longo do ano. A Vigo Cup, con 19 voluntarios diarios durante unha semana, foi o campionato que máis recursos humanos captou.



BIBLIOTECA DEPORTIVA

É a mellor biblioteca deportiva existente na cidade e manexa máis de 1.000 libros, ademais de estar complementada cun equipamento audiovisual (TV e equipo lector de DVD) e acceso a internet.

Todo aquel que o desexe pode facer uso destes medios e incluso do servizo de préstamo de forma totalmente gratuíta. No ano 2010 rexistráronse preto dun cento de solicitudes de préstamo ou consulta.

En 2010 a biblioteca seguiu crescendo coas achegas persoais de cidadáns e cidadás de libros doutros tempos. Ademais, VIDE engadiu aos fondos catro títulos máis de recente publicación: un de tenis de mesa ("El tenis de mesa. Los comienzos"), outro de loita libre olímpica ("Homenaxe aos loitadores galegos"), un de baloncesto ("¿Quién lanzó una manzana a la cesta que colgaba del árbol?", e un do deporte universitario ("Deporte universitario, una plataforma para el cambio"). Todos eles repasan a historia deses deportes na cidade e impedirán que se perdan historias e datos de, nalgúns casos, hai máis de medio século.



“APRENDE D@S QUE MÁIS SABEN”

Terceiro ano consecutivo da iniciativa que pretende levar o coñecemento e promoción do deporte local aos centros de ensino.

Aos colexios e institutos foron todos os equipos do programa Siareiros Elite de VIDE con rotundo éxito.

Vintedous centros solicitaron a presenza dos equipos elite. En total, as peticións chegaron ás 49 visitas que se fan ao longo de toda a tempada deportiva e tendo en conta as datas do curso escolar.

Octavio Pilotes Posada, Celta Indepo e o Aldasa Amfiv son os equipos máis solicitados, pero todas as disciplinas que engloba VIDE foron convocadas alomenos nunha oportunidade.

Os clubs fan a súa exhibición con xogos para nenos e nenas nos recintos deportivos (ximnasio ou pista da instalación escolar) buscando que alumnos e alumnas se divirtan e promocionando tamén os seguintes partidos en Vigo do equipo.

Ademais, VIDE foi elemento incentivador dunha charla-coloquio de clubs e deportistas no colegio Miralba (Jesuitinas) para falar da realidade do deporte local.



Teresa Álvarez, voluntaria VIDE



XI GALA DO DEPORTE DE VIGO E A SÚA COMARCA

A Fundación Vigo en Deporte traballa arreo cada ano na montaxe da Gran Gala do Deporte de Vigo e a súa Comarca, que organizan a Concellería de Deportes, o xornal “Faro de Vigo” e Novacaixagalicia e que se desenrolou no Centro Cultural Caixanova.

Na gala da undécima edición VIDE foi amplamente recompensado polos premios a empresas, entidades deportivas, deportistas e outras persoas con relación directa cos programas da Fundación.

No decurso do acto houbo recoñecementos para Carlos Javier Colinas (director deportivo do Celta Indepo), pola súa traxectoria como adestrador de baloncesto; a Teresa Álvarez Santamarina, pola súa dedicación á arbitaxe e voluntariado deportivo (é VOV de VIDE), e a Begano S.A. (Coca-Cola), por mor do seu cincuenta aniversario.

Houbo tamén máis recoñecementos para empresas pola súa axuda ao deporte local. Indepo, polo seu apoio ao C.D. Bosco de baloncesto feminino; Aldasa, polo seu patrocinio ao C.D. Amfiv; Magope, pola súa aposta polo Club Balonmán Seis de Nadal-Coia; Calfoncal, polo seu apoio ao U.B. Lavadores; e Chint, polo seu investimento no Club Ciclista Vigués. Ademais houbo premios para Iberconsa e Agrupación Xogara.



LIGA VIGO EN XOGO



VIDE tamén alenta competicións doutras organizacións, neste caso recreativas: a Liga Vigo en Xogo (fútbol sala, fútbol 7 e baloncesto), que se desenrola principalmente en campos e pavillóns do Instituto Municipal dos Deportes.

A Agrupación Deportiva Vigo organiza Vigo en Xogo e, mediante un convenio de colaboración renovable anualmente, a Fundación VIDE apoia a competición mediante dúas accións: cesión de instalacións na sede da Fundación e axuda económica anual.

A xustificación deste apoio é a propia magnitude da competición, non federada, a liga máis importante da cidade polo número de licencias (unhas 4.000).

Novas, calendarios, resultados, clasificacións ou sancións mesmamente teñen aloxamento na web de VIDE cun apartado específico para Vigo en Xogo, sendo este outro tipo de axuda. Esta iniciativa tamén supón un fluxo constante de entradas na páxina oficial da Fundación VIDE.

A organización de Vigo en Xogo presenta a VIDE de forma anual un informe do estado das contas. VIDE participa na gala final de entrega de trofeos e ten representación no comité de apelación de Vigo en Xogo.



PROGRAMA DE COMUNICACIÓN

Dende xaneiro de 2008 a Fundación Vigo en Deporte comezou a traballar nun programa de comunicación integral para que a imaxe de VIDE pase a ser cotiá para a cidadanía e haxa un achegamento das súas accións á sociedade en xeral.

Expansión da web

VIDE xestiona dende 2005 un portal en internet. No ano 2010 a Fundación envorcouse nunha información case diaria sobre os equipos e deportistas dos programas propios.

Á web incorporouse dende setembro a interacción nas redes sociais a través de facebook para garantir unha chegada da súa información moito máis directa á afección, especialmente á máis nova.

A web recibiu 270.252 visitas, o que supón unha media de 740 visitas ao día. Acadouse o millón de accesos a primeiros de novembro.

Datos de interese:

- A páxina web da Fundación Vigo en Deporte foi inaugurada o día 13 de abril do ano 2005.
- Foi totalmente reformada en outubro de 2009.
- O 1 de setembro do 2010 incorporouse a presenza nas redes sociais.
- A 31 de decembro de 2010 o número de visitas dende 2005 ascendeu a 1.048.080.

Publicidad=67

SIAREIROS 2010-2011

Somos arte

O Museo da Cidade, en Castrelos, é patrimonio noso desde 1994. En VIDE aspiramos a que o carne Siareiro Elite sexa un signo identificador do deporte local. Para elo necesitamos do teu apoio. Falta Siareiro (*). Terás 115 partidos de pago nos pavilións da cidade, é dicir, cada encontro a 0,83 euros. O deporte feminino quere o teu apoio. Porque somos arte.



(*) Abonos: 150 € familiar • 95 € individual senior • 40 € subido, xuvenil, universitario • 15 € infantil.
Cálculo para abono individual senior.

Equipo	Local	Visitante	Horario	Local
Sábado 19	Baladrón	1ª Estatal	Magpie Sete de Nadal-Cine	18:30
Domingo 19	Pilard	1ª Estatal	El Olivo Calvario-Maria	12:00
Domingo 19	Baladrón	División de Honor Prata	Pavón Pousa-Baladrón	12:30

vide PESCANOVA calvario

Presidencia VIDE: Rúa Castrelos Suroeste s/n • 36200 • Vigo • Tel: 986 31 71 01 • Fax: 986 31 71 02 • Email: vider@vide.es • www.vide.es

Páxina no Faro de Vigo

A páxina semanal de que dispón de balde o programa Siareiros na sección de Deportes do diario decano, “Faro de Vigo”, grazas a aposta deste diario polo deporte, de setembro a maio, apoiou ao deporte local, pero tamén aos eventos de transcendencia que se disputaron na cidade.

VIDE apostou por promocionar eventos nacionais como a Supercopa de España de fútbol sala ou a Copa Asobal de balonmán, ademais de competicións e eventos internacionais (Mundial Universitario de taekwondo e Fórum FISU).

Houbo apoio decidido ao Circuíto de Carreiras Populares, unha actividade compartida coa Concellería de Deportes, e tamén ás actuacións do Instituto Municipal dos Deportes (novas infraestruturas en Navia).

Tamén promocionouse a campaña de “Aprende d@s que máis saben”, cos clubs siareiros indo ás escolas.

Publicidade

Ademais, decidiuse dar unha información exhaustiva dos partidos do programa Siareiros Elite. Dende outubro édítase un “flyer” (1.200 unidades) coa información mensual dos encontros do programa e as aliñacións dos choques a priori máis interesantes. A modo complementario desta medida distribúense programas de man a toda cor en formato de díptico con máis datos sobre os encontros transcendentais (clasificacións, resultados...). O obxectivo é que a afección poida situarse rapidamente no contexto do enfrontamento que vai ver.

Dende outubro, VIDE apostou polo medio radiofónico para promocionar a tarxeta Siareiro Elite. “Tiempo de juego”, foi o elixido para a nova acción.

Apoio a outros organismos

VIDE contemplou por segundo ano consecutivo o reforzo informativo das actividades da Concellería de Deportes e do Instituto Municipal dos Deportes.

Houbo información sobre as escolas deportivas municipais, traballo loxístico de preparación da proposta de Vigo como candidata ao Premio Nacional do Deporte (finalmente acadado), cobertura das roldas de prensa e actos e recepcións do concelleiro de Deportes, Xabier Alonso (presidente de VIDE)... Os medios de comunicación tiveron acceso a moito material, que foi amplamente aproveitado por eles e polo departamento de prensa de Tenencia de Alcaldía.

Tamén, colateralmente, a Concellería de Patrimonio Histórico viuse beneficiada por unha das accións promocionais do deporte feminino, ao levar a xogadoras dos catro equipos (Celta Indepo, Vigo Stick, El Olivo Caixanova e Turismo de Vigo) ao Museo da Cidade, o Quiñones de León, para unha sesión fotográfica. A promoción publicitaria para dúas páxinas de Siareiros no “Faro”, chegou tamén con anterioridade aos medios de comunicación escrita, que recolleron a iniciativa, e supuxo unha demostración da transversalidade do deporte.

Colaboración con Federaci3ns. H3uboa de forma directa, coa Federaci3n Galega de F3tbol a trav3s da s3a delegaci3n en Vigo, e indirecta (Federaci3n Galega de Tenis). Nos dous casos, VIDE participou polo patrocinio da Conceller3a de Deportes 3 proba, a Copa Vigo de f3tbol modesto e o Trofeo Internacional Cidade de Vigo de tenis feminino. Na Copa Vigo de f3tbol, VIDE dedicou d3as p3xinas do programa Siareiros para publicitar o campionato, o m3is vello do f3tbol vigu3s ao terse creado en 1933. Os medios de comunicaci3n recibiron informaci3n sobre a final. No tenis, os xornais locais tiveron, ademais da cobertura da propia FGT, informaci3n adicional de prensa dende VIDE.

Apoio aos clubs

O programa de comunicaci3n tam3n contempla dar axuda lox3stica directa a clubs e deportistas de Vigo ao longo do ano, 3 dicir, o soporte externo fronte a peri3dicos, revistas, televisi3ns, radios ou portais de internet. Os primeiros en recibila ao longo da tempada 2009/2010 foron:

Octavio/Club Deportivo Bosco. Artigos de reportaxe para os medios de comunicaci3n en momentos puntuais da tempada.

Vigo Stick. Informaci3n sobre o hist3rico ascenso 3 OK Liga Feminina, calendario, fichaxes e pretempada do novo club feminino do programa Siareiros.

U.B. Lavadores / BM. Seis do Nadal Coia. Presentaci3n da nova tempada, hist3rica para o balonm3n local ao contar con dous equipos ao tempo en 1ª Estatal.

Baloncesto Seis do Nadal-Coia. Informaci3n para os medios de comunicaci3n das actividades do club, organizador de varios eventos de base ao longo do ano.



Deportistas. Seguimento a deportistas individuais, casos de Chano Rodríguez (natación), Xisela Aranda (squash), Lara Lagoa (vela), Carlos Domínguez (hípica) ou Andrea Rica (taekwondo), facilitando o traballo a prensa, radio e TV.

Club Vigo Squash. Notas de prensa sobre a disputa do Campionato de España de seleccións autonómicas de squash na polideportiva de Balaídos.

Maniotas. Cobertura previa e durante o torneo da participación do Maniotas na Copa do Mundo de ximnasia estética, en Bulgaria 2010.

Flic Flac. A petición da Concellería de Deportes, VIDE achegou cobertura informativa do Campionato de España de Ximnasia Acrobática, en maio de 2010 nas Travesas.

2010



CRONOLOXÍA

FUNDACIÓN VIGO EN DEPORTE

ACTOS DE PRESENTACIÓN REALIZADOS NA FUNDACIÓN VIDE

- 18.01.10 – Reunión Carreiras Populares (Xabier Alonso e Federación Atletismo).
- 19.02.10 – Halcones de béisbol: presentación do inicio da liga.
- 04.05.10 – Taekwondo FISU: reunión preparatoria 11º WUTC co director técnico do evento, Ken Min.
- 05.05.10 – Taekwondo FISU: reunión preparatoria 11º WUTC co director técnico do evento, Ken Min.
- 10.06.10 – Concello: presentación do Campionato de España de velocidade (patinaxe).
- 14.06.10 – Octavio: presentación do xogador Juan Bosco Rentero.
- 09.07.10 – Octavio: presentación do xogador Dani Cerqueira.
- 15.07.10 – Octavio: presentación dos xogadores Eduardo Moledo e Juan González.
- 12.08.10 – Sechu López: presentación da expedición a Nepal.
- 18.08.10 – Pilotes Posada: presentación do Torneo Cidade de Vigo.
- 25.08.10 – Seis do Nadal de balonmán: presentación da nova tempada.
- 27.08.10 – Amfiv: presentación do adestrador César Iglesias.
- 07.09.10 – Amfiv: presentación do xogador David Rodarte.
- 07.09.10 – UB Lavadores: presentación da nova tempada, ascenso.
- 08.09.10 – Celta: presentación das xogadoras Leonie Kooij e Luisa Michulkova.
- 09.09.10 – Vigo Squash: presentación Campionato España de Seleccións Autonómicas.
- 23.09.10 – Amfiv: presentación do xogador Shawn Russell.
- 15.10.10 – Vigo Stick: presentación da tempada 10/11.
- 24.11.10 – Pilotes: presentación da Copa Asobal.
- 17.12.10 – Presentación Torneo Solidario Nadal Multideportivo.



ACTOS FUNDACIÓN – 2010

- 17.09.10 – Fundación: presentación I Foro Siareiros.
- 20.01.10 – Verbum: Gala Atletismo Carreiras Populares.
- 28.01.10 – Fundación: presentación bolsas VIDE 2010.
- 24.02.10 – Miralba: Mesa redonda saúde e deporte.
- 09.04.10 – Centro Social Caixanova: VIII Gala bolsas VIDE.
- 15.06.10 – Fundación: presentación do torneo Vigo Cup.
- 21-26.06.10 – Fórum FISU.
- 29-4.07.10 – XI Campionato do Mundo Universitario de Taekwondo.
- 5-9.07.10 – XI Campus Polideportivo VIDE.
- 25.09.10 – Hotel Coia: I Xornada Siareir@.
- 03.12.10 – Pavillón das Travesas: Sorteo ciclomotor Movisa no descanso do encontro do Celta Indepo.
- 18.12.10 – Pavillón Navia: Sorteo dúas cestas El Corte Inglés no descanso do encontro do Celta Indepo.
- 18.12.10 – Entrega das cestas El Corte Inglés en Navia e As Travesas.

2010



CONTAS ANUAIS

FUNDACIÓN VIGO EN DEPORTE

BALANCE AO PECHE DO EXERCICIO 2010

ACTIVO	2010	2009
A) ACTIVO NON CORRENTE	197,85	316,39
III. Inmobilizado material	197,85	316,39
2. Instalacións técnicas e outro inmobilizado material	197,85	316,39
B) ACTIVO CORRENTE	241.674,24	454.305,81
III. Usuarios e outros debedores da actividade propia	190.000,00	343.625,55
VII. Efectivo e outros activos líquidos equivalentes	51.674,24	110.680,26
1. Tesourería	51.674,24	110.680,26
TOTAL ACTIVO (A+B)	241.872,09	454.622,20

PATRIMONIO NETO E PASIVO	2010	2009
A) PATRIMONIO NETO	140.668,33	83.879,80
A-1). Fondos Propios	140.668,33	83.879,80
I. Dotación Fundacional	312.526,29	312.526,29
1. Dotación Fundacional	312.526,29	312.526,29
III. Excedentes de ejercicios anteriores	(228.646,49)	(242.502,70)
1. Remanente	260.527,25	246.671,04
2. Excedentes negativos de ejercicios anteriores	(489.173,74)	(489.173,74)
IV. Excedente do exercicio	56.788,53	13.856,21
C) PASIVO CORRENTE	101.203,76	370.742,40
III. DÉBEDAS A CURTO PRAZO	10.826,30	11.846,30
5. Outros pasivos financeiros	10.826,30	11.846,30
VI. Acredores comerciais e outras contas a pagar	90.377,46	358.896,10
3. Acredores varios	82.162,73	351.555,40
6. Outras Débedas coas Administracións Públicas	8.214,73	7.340,70
TOTAL PATRIMONIO NETO E PASIVO (A+C)	241.872,09	454.622,20

CONTA DE RESULTADOS AO PECHE DO EXERCICIO 2010

	2010	2009
A) OPERACIÓNS CONTINUADAS		
1. Ingresos da entidade pola actividade propia	1.154.738,64	1.392.882,75
a) Cotas de usuarios e afiliados	244.765,86	22.795,00
b) Ingresos de promocións, patrocinadores e colaboracións	568.345,35	542.661,18
c) Subvencións, doazóns e legados de explotación imputados a resultados do exercicio afectas á actividade propia	341.627,43	827.426,57
2. Axudas monetarias e outros	(360.045,70)	(294.445,38)
a) Axudas monetarias	(344.170,91)	(325.770,00)
b) Gastos por colaboracións e do órgano de goberno	(15.874,79)	(27.933,86)
c) Reintegro de axudas e asignacións	(0,00)	59.258,48
7. Outros ingresos de explotación	4.680,31	2.853,60
a) Ingresos accesorios e outros de xestión corrente	4.680,31	2.853,60

	2010	2009
8. Gastos de persoal	(135.267,32)	(184.392,17)
a) Soldos, salarios e asimilados	(106.632,02)	(146.249,24)
b) Cargas sociais	(28.635,30)	(38.142,93)
9. Outros gastos de explotación	(607.198,86)	(902.928,84)
a) Perdas, deterioro e variación prov. oper. comerciais	(14.060,55)	(0,00)
b) Outros gastos de xestión corrente	(593.138,31)	(902.928,84)
10. Amortización do inmovilizado	(118,54)	(113,75)
A.1) RESULTADO DE EXPLOTACIÓN (1+2+7+8+9+10)	56.788,53	13.856,21
B) RESULTADO FINANCEIRO	(0,00)	(0,00)
C) RESULTADO ANTES DE IMPOSTOS (A+B)	56.788,53	13.856,21
D) EXCEDENTE DO EJERCICIO (C)	56.788,53	13.856,21

Cantidades en euros

1. ACTIVIDADE DA FUNDACIÓN

A constitución da Fundación Vigo en Deporte foi realizada por escritura pública o 19 de novembro de 2001 e clasificada por Orde da Consellería da Presidencia, Relacións Institucionais e Administración Pública de 27 de decembro de 2001, ademais de ser declarada de interese galego pola mesma Consellería o 4 de febreiro de 2002, quedando adscrita ao Protectorado da Xunta de Galicia e atopándose incluída entre as reguladas no Art. 16 da Lei 49/2002.

Segundo o artigo 6 dos Estatutos da Fundación, esta ten por obxecto social, o fomento e promoción do deporte a través do apoio, difusión e axuda as entidades deportivas da cidade de Vigo e a consolidación dos grandes eventos deportivos que xera a cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e o resto da sociedade en xeral.

O domicilio social da entidade emprazase na rúa Cesáreo González s/n (Edificio Instituto Municipal dos Deportes) de Vigo.

2. BASES DE PRESENTACIÓN DAS CONTAS ANUAIS

Estas contas anuais, relativas ao exercicio rematado o 31 de decembro de 2010, son obtidas dos rexistros contables da Fundación e son formuladas pola súa Dirección seguindo os principios contables recollidos no Plan Xeral Contable: imaxe fiel, principios contables non obrigatorios aplicados, aspectos críticos da valoración e estimación da incerteza, comparación da información, elementos recollidos en varias partidas, cambios en criterios contables e corrección de erros.

As presentes contas foron aprobadas polo Padroado da Fundación Vigo en Deporte nos seis primeiros meses do ano 2011.

3. APLICACIÓN DE RESULTADOS

O excedente do 2010 vai destinado á activación do resultado do exercicio para a compensación de perdas de anos anteriores.

4. NORMAS DE REXISTRO E VALORACIÓN

A contabilización dos feitos económico - financeiros foi efectuada de acordo co Plan Xeral de Contabilidade e segundo os criterios contables seguintes:

a) **Inmovilizado Material:** Rexístranse os bens valorados ao seu prezo de adquisición ou ao seu custo de produción.

Dentro dos custos considéranse todos os gastos adicionais producidos ata a posta en marcha do ben, incluíndo os impostos indirectos que gravan o ben e non son recuperables da Administración.

Os custos de renovación, ampliación, mellora ou grandes reparacións dos bens que supoñen un aumento da súa capacidade productora ou alonga a súa vida útil, inclúense no inmovilizado, logo de eliminar do mesmo os bens substituídos ou reformados. Os demais custos análogos son cargados directamente a gastos do exercicio en que se orixinan.

Os bens adquiridos a título gratuito figurarían rexistrados polo seu valor venal, é dicir, o de mercado atendendo o seu estado e condición.

A amortización calcúlase de maneira lineal en función da vida útil dos bens, atendendo o uso que de eles se fai e o grao de obsolescencia que poida afectalos, iniciándose a partires da data da súa entrada en funcionamento.

b) **Imposto sobre beneficios:** A Fundación Vigo en Deporte, cumpre cos requisitos da norma, en canto que están exentos do Imposto sobre Sociedades os beneficios que se obteñan nas actividades que constitúan o seu obxecto fundacional, así como os beneficios derivados de incrementos patrimoniais que se obteñan en cumprimento da súa actividade fundacional.

c) **Ingresos e gastos:** Recoñécense en función do seu período de remuneración con independencia do momento en que se orixine a corrente monetaria ou financeira derivada deles. Polo tanto, foron recoñecidos de acordo cos principios contables de:

- Devengo, segundo o cal a súa imputación farase en función da corrente real de bens e servizos que representan e con independencia do momento no que se cobren ou paguen as operacións derivadas deles.
- Correlación de ingresos e gastos, polo que o resultado do exercicio está constituído polos ingresos do período menos os gastos do mesmo realizados pola obtención de aqueles, así como os beneficios e perdas non relacionados coa actividade da Fundación.
- Non compensación, amósanse segundo a súa natureza por separado sen compensar os conceptos de ingresos e gastos dunha mesma ou similar natureza.
- Uniformidade, en canto a que adoptado un criterio este mantense de maneira consistente non tempo.

d) **Subvencións, doazóns e legados:** As subvencións recoñécense á recepción do acordo de concesión das mesmas polo seu valor nominal. Impútanse a resultados polo mesmo importe calculado por amortización do exercicio correspondente aos activos financiados con dita subvención.

5. INMOBILIZADO MATERIAL, INTANXIBLE E INVERSIÓNS INMOBILIARIAS

Os gastos de establecemento e o inmovilizado intanxible teñen superado o seu prazo de amortización, polo que o seu saldo está compensado.

As contas de inmovilizado material mantiveron o seguinte movemento e as súas amortizacións acumuladas foron as seguintes:

Inmovilizado Material	Saldo inicial	Altas	Baixas	Saldo final
Mobiliario	13.900,22	0	0	13.900,22
Equipos para proceso de Información	10.370,67	0	0	10.370,67
Otro Inmovilizado Material	8.211,08	0	0	8.211,08
Amortización	-32.165,58	-118,54	0	-32.284,12
TOTAL	316,39	-118,54	0	197,85

Cantidades en euros

6. ACTIVOS FINANCEIROS

O saldo da conta de Usuarios e outros Debedores da Actividade Propia reflexa os pagamentos pendentes polos nosos Patrocinadores e Subvencións Oficiais que ascenden á cantidade de 190.000 €.

7. PASIVOS FINANCEIROS

Os movementos durante o exercicio foron os seguintes:

Acredores a curto prazo	Saldo inicial	Altas	Baixas	Saldo final
Outros pasivos financeiros	11.846,30	600,00	1.620,00	10.826,30
Outras débedas coas Admon. Públicas	7.340,70	26.753,22	25.879,19	8.214,73
Acredores varios	351.555,40	588.268,74	857.661,41	82.162,73
TOTAL	370.742,40	615.621,96	885.160,60	101.203,76

Cantidades en euros

a) Outros pasivos financeiros:

Remanente pendiente de devolución cos usuarios en concepto de fianzas.

b) Outras débedas coas Administracións Públicas:

Integrada polas contas: Facenda Pública Acredora por Conceptos Fiscais e Organismos da Seguridade Social Acredores ambas con procedencia en gastos de persoal do ano 2010 pero con liquidación de débeda aos organismos correspondentes en 2011.

c) Acredores varios:

Débedas con subministradores de servizos para o desenvolvemento habitual da actividade da Fundación.

8. FONDOS PROPIOS

No ano 2010 obtívose un resultado positivo de 56.788,53 € que consegue reducir os resultados negativos de exercicios anteriores e consecuentemente incrementa os Fondos Propios. Os movementos durante o exercicio foron os seguintes:

Fondos Propios	Saldo inicial	Altas	Baixas	Saldo final
Dotación Fundacional	312.526,29	0	0	312.526,29
Resultados dos exercicios	-228.646,49	56.788,53	0	-171.857,96
TOTAL	83.879,80	56.788,53	0	140.668,33

9. SITUACIÓN FISCAL

A Lei 30/1994, de Fundaci3ns e de Incentivos Fiscais 3 Participaci3n Privada en Actividades de Interese Xeral, estableceu o R3xime Tributario Especial para as Fundaci3ns que incl3e a exenci3n parcial no Imposto sobre Sociedades, baixo uns supostos restrictivos e con determinadas condici3ns, contempladas en cada caso, tam3n en outros impostos.

A partires do exercicio do 2004 a Fundaci3n pasa 3 opci3n de exenci3n parcial polo R3xime Fiscal Especial do T3tulo II da Lei 49/2002.

Na liquidaci3n do Imposto de Sociedades do exercicio anterior a base imponible resultou negativa.

10. INGRESOS E GASTOS

Ingresos:

A maior parte dos ingresos est3n integrados por colaboraci3ns empresariais e subvenci3ns p3blicas, neste ano tam3n son significativas as cotas de usuarios nos eventos internacionais organizados pola Fundaci3n (Mundial Universitario de Taekwondo e F3rum FISU).

A. Cotas dos usuarios (244.765,86 €)

Programa	Cantidade
Vigo Cup 10	7.200,00 €
Campus Polideportivo 10	12.935,00 €
Fórum FISU	66.095,46 €
Mundial Universitario Taekwondo	151.884,00 €
Outras cotas	6.651,40 €

B. Ingresos de promocións, patrocinadores e colaboracións (568.345,35 €)

Entidade

Caixanova	Movexvial	Peugeot Citroën Automóviles España
Pescanova	Campos y Rial	Ofivigo
Movisa	Seur	Adegas Valmiñor
Construcciones Aldasa	Construcciones Indepo	FISU
Liga Nacional de Fútbol Sala		

C. Subvencións, doazóns e legados de explotación imputados a resultados do exercicio afectas a actividade propia (341.627,43 €)

Entidade

Concello de Vigo

Xunta de Galicia

D. Outros ingresos de explotación (4.680,31€)

Correspóndense con indemnizacións por deterioracións na Fundación que teñen a natureza dun ingreso excepcional pois non derivan da actividade habitual, son atípicos e dunha magnitude non significativa.

Gastos:

E. AXUDAS MONETARIAS (344.170,91 €)

E.1. Axudas a deportistas individuais (30.000,00 €)

Base: 8.000 € en total, axudas de 1.000 € a cada un dos seguintes deportistas:

Ángel Suárez Alonso
Carla Guldris Costas
Uxía González Dacosta
Lara Lagoa Patiño

Valentina Durán Pérez
Iván España Lado
Begoña Álvarez Pereira
Paula Patiño Díaz

Elite: 22.000 € en total, axudas de 2.000 € a cada un dos seguintes deportistas:

Nicolás Rodríguez García-Paz	Iván Pozo Martínez
Sechu López Pérez	Sebastián Rodríguez Veloso
Beatriz Lence Massa	Sandra Mosquera Losada
Fernando Rascado Rios	Andrea Rica Taboada
Miguel Romero Azpitarte	Isaac Vicente Landín
Xisela Aranda Núñez	

E.2. Axudas a entidades deportivas (314.170,91 €)

Programa Siareiros Elite: Os clubs de elite adscritos a este programa percibiron un total de 132.000 € en dúas fases (xaneiro e xullo) pola tempada 2009/2010.

Amfiv	Ciudad de Vigo Basquet	Coruxo FC
Deportivo Bosco	FPR El Olivo	Halcones de Vigo
Hóckey Stick	Octavio Pilotes Posada	Vigo Rugby
Vigo Voleibol	Xuvenil de Teis Voleibol	

Programa Siareiros Base: Os clubs de base adscritos a este programa beneficiáronse de 42.990,91 € en total. Entregáronse directamente aos clubs 12.197,96 € polo seu labor dentro do programa Siareiros e 30.792,95 € pagáronse ao Instituto Municipal dos Deportes (IMD) en concepto de uso de instalacións deportivas municipais.

Os receptores destas axudas no 2010 foron os seguintes clubs de base:

Bádminton Rachaplumas
Baloncesto San José de la Guía
C.A.R.P.A.
Castrelos Patinaxe Artística
Deportivo Mosteiro
Maniotas
San Ignacio Loita
Vigo 2015

Baloncesto Área Metropolitana
Baloncesto Seis do Nadal Coia
C.D. A Paz 03
Ciclista Vigués
Foto Gómez
Patín Vagalume
Travesas Hóckey
Vigo Squash

Baloncesto Puerto de Vigo
Balonmano Seis do Nadal
C.N. RíasBaixas
Cios Vigo
Loita Cidade de Vigo
Polid. Alerta Travesas
U.B. Lavadores

Campus Polideportivo: Os clubs que participaron na organización deste programa percibiron un total de 5.180 €.

Coruxo F.C.
Octavio Pilotes Posada
Vigo Voleibol

Deportivo Bosco
Travesas Hóckey
Xuvenil de Teis Voleibol

Torneo Internacional de Fútbol Base Vigo Cup: Pola súa colaboración coa arbitrase o Comité Técnico Galego de Árbitros de Fútbol percibiu 4.000 € en total.

Outras axudas: Atendendo a outros criterios entregáronse 130.0000 € en total ás seguintes entidades:

Amfiv
Deportivo Bosco
Octavio Pilotes Posada

Coruxo F.C.
Hóckey Stick

F. GASTOS POR COLABORACIÓN (15.874,79 €)

Un total de 15.874,79 € correspóndense con gastos de manutención, material, transporte, vestuario, etc. dos voluntarios VOV e persoal colaborador coa Fundación en eventos propios tales como Vigo Cup, Campus Polideportivo, Fórum FISU e Mundial Universitario de Taekwondo.

G. GASTOS DE PERSOAL (135.267,32 €)

Soldos e salarios.....	106.632,02 €
S.S. a cargo da entidade.....	28.635,30 €

H. OUTROS GASTOS DE EXPLOTACIÓN (607.198,36 €)

O epígrafe “Perdas, deterioro e variación de provisións por operacións comerciais” reflicte unha cantidade que finalmente resultou incobrable como doazón, pasando así da conta de “Usuarios e outros Debedores” a perdas.

Por outra banda, a maior parte das partidas que integran o epígrafe “Outros gastos de xestión corrente” recollen o gasto no Mundial Universitario de Taekwondo e o Fórum FISU organizado entre outros organismos pola Fundación Vigo en Deporte. Da cantidade total de 593.138,31 € existen 298.405,95 € que se corresponden coa xestión na organización do Mundial Universitario de Taekwondo, e 139.127,47 € que se corresponden coa xestión na organización do Fórum FISU. Os restantes 155.604,89 € corresponden aos gastos de xestión corrente da Fundación necesarios para a execución dos seus diferentes programas.

Concepto

- Reparación e Conservación de Instalacións
- Reparación e Conservación Equipos Procesos Informáticos
- Servizos Profesionais Independentes
- Transportes
- Primas de seguros
- Servizos Bancarios e similares
- Publicidade, Propaganda e RRPP
- Mensaxeiros
- Telefonía
- Material oficina
- Locomoción
- Outros servizos

11. OUTRA INFORMACIÓN


A Administración da Fundación corresponde a un Padroado con cargos gratuítos. Polo tanto, a Fundación non satisfixo ningunha remuneración aos membros do Padroado, nin se lles concedeu anticipo ou crédito algún. Tampouco ten obrigas contraídas cos membros do Padroado en materia de fondos de pensións, seguros de vida ou outros similares.

2010




A FUNDACIÓN **EN CIFRAS**


EVOLUCIÓN DOS INGRESOS




EVOLUCIÓN DOS GASTOS



EVOLUCIÓN DAS AXUDAS A ENTIDADES



EVOLUCIÓN DAS AXUDAS A DEPORTISTAS INDIVIDUAIS



2010




ESTUDIO

COMPARATIVO

FUNDACIÓN VIGO EN DEPORTE


GASTOS POR PROGRAMAS NO 2009



Siareiros:	148.198 €
Vigo Cup:	36.728 €
Outros Programas:	287.794 €
Campus Polideportivo:	10.267 €
Axudas Individuais:	35.759 €

*Sen ter en conta o gasto en grandes eventos: Campionato do Mundo de Hóckey a Patíns


GASTOS POR PROGRAMAS NO 2010



Siareiros:	182.975 €
Vigo Cup:	31.816 €
Outros Programas:	296.103 €
Campus Polideportivo:	12.893 €
Axudas Individuais:	32.002 €


*Sen ter en conta o gasto en grandes eventos: Mundial Universitario de Taekwondo e Fórum Fisú

INGRESOS POR PROGRAMAS NO 2009



*Sen ter en conta o ingreso en grandes eventos: Campionato do Mundo de Hóckey a Patíns

INGRESOS POR PROGRAMAS NO 2010



*Sen ter en conta o ingreso en grandes eventos: Mundial Universitario de Taekwondo e Fórum Fisú



Plantilla Vide: Aberto Ovenza, Xabier Alonso, Laura Magdalena, Icíar del Olmo e Gracy Araújo.

*** Protección de datos**

Todos os datos que introducen os clubs siareiros na base de datos da Fundación son datos autorizados, é dicir, a Fundación cumpre coa Lei Orgánica de Protección de Datos de Carácter Persoal 15/1999 e L.S.S.I-CE 34/2002 e para xustificar tal cumprimento todos os siareiros que compran un carné ou abono cobren unha folia de inscrición onde deciden se consenten tal cesión ou non.



vide

Fundación Vigo en Deporte
Rúa Cesáreo González, s/n
36210 Vigo www.vide.es